

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 81. sjednici održanoj 09.12.2016. godine, d o n o s i

ZAKLJUČAK

I.

Utvrđuje se Prijedlog Odluke o statusnoj promjeni pripajanje Ustanove „Dnevni centar za djecu sa posebnim potrebama“ Maglaj, Javnoj ustanovi Centar za djecu i odrasle osobe s posebnim potrebama Zeničko-dobojskog kantona.

II.

Prijedlog Odluke iz tačke I. ovog zaključka, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____ /16.

Datum, 09.12.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine,

1x a/a.

Na osnovu člana 37. stav (1) tačka f) Ustava Zeničko-dobojskog kantona i člana 14. stav (2) Zakona o ustanovama („Sl. list R BiH“, broj: 6/92, 8/93 i 13/94), Skupština Zeničko-dobojskog kantona na __. sjednici održanoj dana __. __. 2016. godine, d o n o s i

O D L U K U
O STATUSNOJ PROMJENI
PRIPAJANJE USTANOVE „DNEVNI CENTAR ZA DJECU SA POSEBNIM POTREBAMA“
MAGLAJ, JAVNOJ USTANOVI CENTAR ZA DJECU I ODRASLE OSOBE S POSEBNIM
POTREBAMA ZENIČKO-DOBOJSKOG KANTONA

Član 1.
(Predmet)

Skupština Zeničko-dobojskog kantona kao osnivač Javne ustanove Centar za djecu i odrasle osobe s posebnim potrebama Zeničko-dobojskog kantona (u daljem tekstu skraćeni naziv: Centar za osobe s posebnim potrebama) sa sjedištem u Zenici u Ulici Saliha Cakana Mulalića broj 5, upisane u sudski registar Općinskog suda u Zenici, broj rješenja: 043-0-Reg-14-001101 od 15.10.2014.godine, prihvata pripajanje Ustanove „Dnevni centar za djecu sa posebnim potrebama“ Maglaj osnivača Skupštine Udruženja „HUMANOST – SOCIETAS HUMANITATIS“ Zenica (u daljem tekstu skraćeni naziv: Ustanova „Dnevni centar“ Maglaj) sa sjedištem u Maglaju u Ulici 9. ulica b.b., upisane u sudski registar Općinskog suda u Zenici, broj rješenja: 043-0-Reg-11-001551 od 14.12.2011.godine, ovoj ustanovi.

Član 2.
(Naziv javne ustanove)

Javna ustanova Centar za djecu i odrasle osobe s posebnim potrebama Zeničko-dobojskog kantona je pravni sljednik Ustanove „Dnevni centar za djecu sa posebnim potrebama“ Maglaj, a nastaviti će poslovati pod nazivom: Javna ustanova Centar za djecu i odrasle osobe s posebnim potrebama Zeničko-dobojskog kantona, sa sjedištem u Zenici u Ulici Saliha Cakana Mulalića broj 5.

Član 3.
(Promjene u procesu pripajanja)

- (1) Centar za osobe s posebnim potrebama će u procesu pripajanja pristupiti promjenama u odnosu na visinu – povećanje osnovnog kapitala, proširenje usluga u okviru djelatnosti, izmjenu opštih akata, povećanje imovine i imovinskih prava i preuzimanjem svih zaposlenih iz Ustanove „Dnevni centar“ Maglaj prema spisku koji čini sastavni dio Odluke o statusnoj promjeni Skupštine Udruženja „HUMANOST-SOCIETAS HUMANITATIS“ Zenica, broj: 246/2016 od 17.10.2016.godine.
- (2) Prilikom zaključivanja ugovora o radu sa preuzetim zaposlenicima iz stava (1) ovog člana, Centar za osobe s posebnim potrebama može ugovoriti probni rad u trajanju od šest mjeseci, kako je to predviđeno u članom 6. Pravilnika o izmjenama i dopunama Pravilnika o radu JU Centar za djecu i odrasle osobe s posebnim potrebama Zeničko-dobojskog kantona, broj: 05-2-1-1/15 od 26.11.2015. godine.

Član 4.
(Osnovni kapital i sredstva za rad)

- (1) Osnovni kapital Centra za osobe s posebnim potrebama se povećava za visinu osnovnog kapitala Ustanove „Dnevni centar“ Maglaj - 2.000,00 KM, tako da ukupno iznosi 51.250,00 KM (pedesetjednahiljaddvjestopedeset KM).
- (2) Skupština Zeničko-dobojskog kantona kao osnivač Centra za osobe s posebnim potrebama je saglasna sa prihvatanjem imovine, imovinskih i drugih prava, svih zaposlenih Ustanove „Dnevni centar“ Maglaj kako je to odlučeno Odlukom Skupštine Udruženja „HUMANOST-SOCIETAS HUMANITATIS“ Zenica, broj: 246/2016 od 17.10.2016.godine.
- (3) Sredstva za rad Centra za osobe s posebnim potrebama obezbjeđuju se iz Budžeta Zeničko-dobojskog kantona i po osnovu ugovora sa Gradom/općinama o učešću u pokriću dijela ili ukupnih troškova usluga, te drugih izvora.

Član 5.
(Stanje sredstava, prava i obaveza pravnog prednika)

Pripajanje Ustanove „Dnevni centar“ Maglaj vrši se sa stanjem sredstava, prava i obaveza na dan upisa statusne promjene u sudski registar, a prema Bilansu stanja i Bilansu uspjeha na dan 31.10.2016.godine, koji čini sastavni dio ove odluke.

Član 6.
(Djelatnost)

Centar za osobe s posebnim potrebama će nastaviti obavljati registrovane djelatnosti utvrđene Odlukom Skupštine Zeničko-dobojskog kantona o osnivanju JU Centar za djecu i odrasle osobe s posebnim potrebama Zeničko-dobojskog kantona, broj: 01-05-16268/14 od 18.08.2014. godine, u skladu sa Odlukom o kvalifikaciji djelatnosti BiH („Sl. glasnik BiH“, broj 47/10 od 08.06.2010. godine) i nakon pripajanja Ustanove „Dnevni centar“ Maglaj.

Član 7.
(Ciljevi i zadaci)

U obavljanju registrovanih djelatnosti pravni sljednik Centar za osobe s posebnim potrebama nastavit će pružati usluge u skladu sa ciljevima i zadacima utvrđenim Odlukom Skupštine Zeničko-dobojskog kantona o osnivanju JU Centar za djecu i odrasle osobe s posebnim potrebama Zeničko-dobojskog kantona, broj: 01-05-16268/14 od 18.08.2014. godine i to:

- rano podsticanje razvoja i rana intervencija za djecu s posebnim potrebama predškolskog uzrasta,
- odgojno obrazovni rad sa djecom i odraslim osoba s posebnim potrebama s ciljem izgradnje ličnog identiteta, socijalne integracije, izgradnje kompetencija od životnog značaja, pripreme za život, a prema prilagođenom individualnom planu i programu,
- (re)habilitacija i podsticaj djece i mladih osoba s posebnim potrebama kroz individualne i grupne rehabilitacijske i podsticajne mjere,
- dnevno zbrinjavanje djece i odraslih osoba s posebnim potrebama,
- radno osposobljavanje i rehabilitacija odraslih osoba sa posebnim potrebama,
- program podrške porodici kroz neposredni savjetodavni i edukacijski stručni rad,

– provođenje politike razvoja i unapređenja profesionalne rehabilitacije i zapošljavanja osoba s invaliditetom, osim obrazovnih ustanova čija je osnovna djelatnost sticanje osnovnog i srednjeg obrazovanja.

Član 8.
(Cilj pripajanja ustanove)

Ciljevi i zadaci radi kojih su osnovane ustanove u procesu statusnih promjena će se efikasnije ostvarivati u okviru institucija Zeničko-dobojskog kantona.

Član 9.
(Brisanje iz sudskog registra)

Danom upisa statusne promjene u sudskom registru ustanove sljednika Centra za osobe s posebnim potrebama, istovremeno će se izvršiti i brisanje pripojene Ustanove „Dnevni centar“ Maglaj koja prestaje postojati kao samostalno pravno lice.

Član 10.
(Prava, obaveze i odgovornost)

Zadužuje se Ministarstvo za rad, socijalnu politiku i izbjeglice Zeničko-dobojskog kantona da u ime osnivača Centra za osobe s posebnim potrebama zaključi ugovor sa osnivačem Ustanove „Dnevni centar“ Maglaj o imovinskim i drugim pravima i obavezama, te o istom izvijesti Vladu i Skupštinu Zeničko-dobojskog kantona po okončanju procesa.

Član 11.
(Upis u sudski registar)

Lice ovlašteno za zastupanje Centra za djecu i odrasle osobe s posebnim potrebama je i dalje direktor, koji je imenovan Odlukom Upravnog odbora JU Centar za djecu i odrasle osobe s posebnim potrebama, broj: 05-3-3/15 od 19.02.2015. godine i dužan je preduzeti sve potrebne radnje za upis statusnih promjena pravnog sljednika u sudski registar.

Član 12.
(Stupanje na snagu)

Odluka stupa na snagu narednog dana od dana objavljivanja u “Službenim novinama Zeničko-dobojskog kantona”.

Broj: _____/16
Datum, ___ decembar 2016. godine
Z e n i c a

PREDSJEDAVAJUĆA

Draženka Subašić s.r..

**OBRAZLOŽENJE
O D L U K E
O STATUSNOJ PROMJENI
PRIPAJANJE USTANOVE „DNEVNI CENTAR ZA DJECU SA POSEBNIM POTREBAMA“
MAGLAJ, JAVNOJ USTANOVU CENTAR ZA DJECU I ODRASLE OSOBE S POSEBNIM
POTREBAMA ZENIČKO-DOBOJSKOG KANTONA**

I PRAVNI OSNOV

Ustavni osnov za donošenje ove odluke sadržan je u odredbama člana 37. stav (1) tačka f) Ustava Zeničko-dobojskog kantona, kojim je propisano da Skupština donosi zakone i ostale propise za izvršavanje kantonalnih nadležnosti.

Pravni osnov za donošenje Odluke sadržan je u odredbama člana 14. Zakona o ustanovama („Sl. list R BiH“, broj: 6/92, 8/93 i 13/94), kojim je propisano da ustanova može proširiti ili promijeniti djelatnost, kao i vršiti statusne promjene: spajanje, pripajanje, podjelu i izdvajanje, o čemu odluku donosi osnivač.

II RAZLOZI ZA DONOŠENJE

S ciljem sistemskog uređenja obavljanja djelatnosti socijalne, odgojno-obrazovne i zdravstvene zaštite za djecu i odrasle osobe s posebnim potrebama, bilo je neophodno osnivanje javne ustanove, zbog čega je Skupština Zeničko-dobojskog kantona na 60. sjednici održanoj 18.08.2014.godine donijela Odluku o osnivanju Javne ustanove Centar za djecu i odrasle osobe sa posebnim potrebama Zeničko-dobojskog kantona.

Međutim, i u periodu do osnivanja kantonalne ustanove, Vlada Zeničko-dobojskog kantona je kroz aktivnosti Ministarstva za rad, socijalnu politiku i izbjeglice učestvovala u finansiranju i organizaciji ove važne djelatnosti koja je od općeg interesa za Kanton. Jedna od tih aktivnosti, podrazumijevala je i osnivanje Ustanove „Dnevni centar za djecu sa posebnim potrebama“ Maglaj (skraćeni naziv: Ustanova „Dnevni centar“ Maglaj) u 2011. godini, na što je Vlada Zeničko-dobojskog kantona dala saglasnost osnivaču Udruženju „Humanost-societas humanitatis“ Zenica (skraćeni naziv: Udruženje). Također, saglasnost su dale i općine Maglaj, Zavidovići i Žepče s ciljem rješavanja pravnog statusa dotadašnjeg Dnevnog centra za djecu sa posebnim potrebama u Maglaju koji je funkcionisao na projektnoj osnovi, a implementator je bilo Udruženje. Na prijedlog Ministarstva za rad, socijalnu politiku i izbjeglice (skraćeni naziv: Ministarstvo), osnivanje ustanove u Maglaju je bilo povjereno Udruženju, posredstvom kojeg su partneri iz SR Njemačke pružali veliki doprinos ovim aktivnostima, i u finansiranju i u stručnom osposobljavanju i usavršavanju kadra. Ugovorom o načinu rada i funkcionisanja Ustanove između Zeničko-dobojskog kantona – Ministarstva, općina Maglaj, Zavidovići i Žepče i Ustanove „Dnevni centar“ Maglaj, određeno je finansiranje na način da će Kanton finansirati ukupne troškove usluga za 2/3 iznosa, a preostala trećina se dijeli na tri jednaka dijela na općine Maglaj, Zavidovići i Žepče.

S obzirom da su u toku 2016. godine finalizirane aktivnosti uspostave Poslovnih jedinica Javne ustanove Centar za djecu i odrasle osobe sa posebnim potrebama Zeničko-dobojskog kantona i to: Dnevnih centara za djecu i odrasle osobe s posebnim potrebama Visoko i Tešanj, dalje aktivnosti su usmjerene ka pripajanju Ustanove „Dnevni centar“ Maglaj kantonalnoj Javnoj ustanovi Centar za djecu i odrasle osobe sa posebnim potrebama (skraćeni naziv: Centar za osobe s posebnim potrebama). Iz navedenih razloga, prvi korak u ovom procesu je donošenje Odluka Skupštine Udruženja o statusnoj promjeni – pripajanja Ustanove „Dnevni centar“ Maglaj - Centru za osobe sa posebnim potrebama,

broj: 246/2016 od 17.10.2016. godine. Naime, osnivač Ustanove „Dnevni centar“ Maglaj navedenu odluku obrazlaže do sada uspješno ostvarenim ciljevima i svrhom Ustanove, kako kroz projekat dnevnog zbrinjavanja djece sa posebnim potrebama, tako i kroz sam rad Ustanove. Dalje opredjeljenje je da se ove aktivnosti nastave realizirati u okviru državnih institucija, konkretno Javne ustanove Centar za djecu i odrasle osobe sa posebnim potrebama Zeničko-dobojskog kantona, uz prenos imovine i imovinskih prava sa pravnog prethodnika, Ustanove „Dnevni centar“ Maglaj, na pravnog sljednika na Centra za osobe s posebnim potrebama. Odluka predviđa i preuzimanje zaposlenih radnika u Ustanovi „Dnevni centar“ Maglaj. S obzirom da se radi o statusnim promjenama ovih pravnih subjekata, Zakonom o ustanovama („Službeni list R BiH“, broj: 6/92, 8/93 i 13/94) propisano je da će se imovinska i druga prava i obaveze precizirati i urediti ugovorom.

Također, istim zakonom predviđeno je provođenje procedure u situaciji kada jedan pravni subjekt usljed pripajanja prestaje da postoji, a drugi pravni subjekt, kojem je pravni subjekt pripojen, postaje jedini titular prava i obaveza.

Iz navedenih razloga, predlaže se Skupštini Zeničko-dobojskog kantona kao osnivaču Javne ustanove Centar za djecu i odrasle osobe sa posebnim potrebama Zeničko-dobojskog kantona, da prihvati prijedlog odluke o statusnoj promjeni kako bi se obezbijedili uslovi za dalji nastavak pružanja usluga na jedinstven i cjelovit način za svu djecu i odrasle osobe s posebnim potrebama na Zeničko-dobojskom kantonu.

III OBJAŠNENJE PREDLOŽENOG PRAVNOG RJEŠENJA

Vezano za prijedlog odluke, dajemo objašnjenje kako slijedi:

U članu 1. i 2., objašnjen je predmet odluke tako da Skupština Zeničko-dobojskog kantona kao osnivač Javne ustanove Centar za djecu i odrasle osobe s posebnim potrebama Zeničko-dobojskog kantona vrši statusnu promjenu prihvatanjem pripajanja Ustanove „Dnevni centar za djecu sa posebnim potrebama“ Maglaj osnivača Skupštine Udruženja „HUMANOST – SOCIETAS HUMANITATIS“ Zenica. Ustanova pravni sljednik nastavlja poslovati pod nazivom Javna ustanova Centar za djecu i odrasle osobe s posebnim potrebama Zeničko-dobojskog kantona, sa skraćenim nazivom Centar za osobe s posebnim potrebama, sa sjedištem u Zenici, u Ulici Saliha Cakana Mulalića br. 5.

U članu 3. i 4. definisane su promjene u procesu pripajanja u odnosu na visinu – povećanje osnovnog kapitala, proširenje usluga u okviru djelatnosti, izmjenu opštih akata, povećanje imovine i imovinskih prava i preuzimanjem svih zaposlenih iz Ustanove „Dnevni centar“ Maglaj. Prilikom zaključivanja ugovora o radu sa preuzetim zaposlenicima, Centar za osobe s posebnim potrebama može ugovoriti probni rad u trajanju od šest mjeseci, kako je to predviđeno u članom 6. Pravilnika o izmjenama i dopunama Pravilnika o radu JU Centar za djecu i odrasle osobe s posebnim potrebama Zeničko-dobojskog kantona, broj: 05-2-1-1/15 od 26.11.2015. godine.

Osnovni kapital Centra za osobe s posebnim potrebama se povećava za visinu osnovnog kapitala Ustanove „Dnevni centar“ Maglaj - 2.000,00 KM, tako da ukupno iznosi 51.250,00 KM (pedesetjadhiljadadvjestopedeset KM).

U članu 5. određeno je da je relevantno stanje sredstava, prava i obaveza prema bilansu stanja Ustanove „Dnevni centar“ Maglaj na dan 31.10.2016. godine.

U članu 6. i 7. utvrđeno je da se nastavljaju obavljati registrovane djelatnosti utvrđene Odlukom Skupštine Zeničko-dobojskog kantona o osnivanju JU Centar za djecu i odrasle osobe s posebnim potrebama Zeničko-dobojskog kantona, broj: 01-05-16268/14 od 18.08.2014. godine, u skladu sa Odlukom o kvalifikaciji djelatnosti BiH („Sl. glasnik BiH“, broj 47/10 od 08.06.2010. godine) i nakon pripajanja Ustanove „Dnevni centar“ Maglaj. U obavljanju registrovanih djelatnosti pravni sljednik će nastaviti pružati usluge u skladu sa utvrđenim ciljevima i zadacima, uz dopunu koja se odnosi na provođenje politike razvoja i unapređenja profesionalne rehabilitacije i zapošljavanja osoba s

invaliditetom, osim obrazovnih ustanova čija je osnovna djelatnost sticanje osnovnog i srednjeg obrazovanja.

U članu 8. predviđeno je da je i Skupština Zeničko-dobojskog kantona, kao i Skupština Udruženja „Humanost societas humanitatis“ Zenica, saglasna da će se ciljevi i zadaci radi kojih su osnovane ustanove u procesu statusnih promjena efikasnije ostvarivati u okviru institucija Zeničko-dobojskog kantona.

Član 9., 10. i 11. predviđa proceduru upisa u sudski registar statusnih promjena, po prethodno brisanju iz sudskog registra Ustanove „Dnevni centar“ Maglaj.

IV FINANSIJSKA SREDSTVA ZA SPROVOĐENJE ODLUKE

Za provođenje ove Odluke nisu potrebna dodatna sredstva. Naime, kapital Centra za osobe s posebnim potrebama se povećava za visinu osnovnog kapitala Ustanove „Dnevni centar“ Maglaj - 2.000,00 KM, tako da ukupno iznosi 51.250,00 KM (pedesetjednahiljadadvjestopedeset KM).

Sredstva za rad Centra za osobe s posebnim potrebama obezbjeđuju se iz Budžeta Zeničko-dobojskog kantona i po osnovu ugovora sa Gradom/općinama o učešću u pokriću dijela troškova usluga, te drugih izvora.

Zeničko-dobojski kanton je i do sada učestvovao u finansiranju usluga pravnog prednika i to po osnovu Ugovora o načinu rada i funkcionisanja Ustanove „Dnevni centar za djecu sa posebnim potrebama“ Maglaj između Zeničko-dobojskog kantona – Ministarstva, općina Maglaj, Zavidovići i Žepče i Ustanove „Dnevni centar“ Maglaj. Finansiranje je određeno na način da Kanton finansira ukupne troškove usluga za 2/3 iznosa, a preostala trećina se dijeli na tri jednaka dijela na općine Maglaj, Zavidovići i Žepče što na mjesečnoj iznosi:

- Kanton: 11.817,00 KM;
- Općine po 1.995,00 KM.

Uzimajući u obzir navedeno, i dalje je planirano izdvajanje sredstva iz Budžeta Kantona u visini 2/3 ukupno potrebnih sredstava, dok će se učešće općina Zeničko-dobojskog kantona ogledati u sufinansiranju 1/3 sredstava ukupno potrebnih sredstava za djelovanje Ustanove, a po principu procentualnog broja stanovnika na području Kantona.

Zenica, 02.12.2016. godine

*Ministarstvo za rad,
socijalnu politiku i izbjeglice*

MINISTAR

Nurdehan Šahinović